



Gwiriwch beth allwch ei hawlio ar gyfer eich gwasanaeth rheithgor

Nid ydych yn cael eich talu i wasanaethu ar reithgor ond gallwch hawlio arian yn ôl ar gyfer enillion a gollwyd, gofal plant, costau teithio, a chostau prynu bwyd a diod. Gweler y cyfraddau isod.

Gallwch hefyd gael canlyniad wedi'i bersonoli ichi trwy ddefnyddio'r cyfrifydd yn www.gov.uk/check-juror-claims.

Enillion a gollwyd a chostau gofal plant neu gostau gofal arall

Gallwn ad-dalu cyfanswm dyddiol unigol i dalu am:

- enillion a gollwyd
- costau gofal ychwanegol o ganlyniad i wasanaethu ar reithgor

Nifer y dyddiau yn gwasanaethu ar reithgor	Nifer yr oriau yn y llys bob dydd	Cyfanswm y gallwch ei hawlio fesul diwrnod am enillion a gollwyd a chostau gofal
10 diwrnod cyntaf	Mwy na 4 awr	£64.95
	4 awr neu lai	£32.47
11 diwrnod neu fwy	Mwy na 4 awr	£129.91
	4 awr neu lai	£64.95

Ni allwch hawlio am benwythnosau neu wyliau banc, oherwydd bod y llys ar gau.

Costau teithio

Mae'r swm y gallwch ei hawlio yn dibynnu ar sut rydych yn teithio i'r llys. Ni allwch hawlio unrhyw gostau teithio neu lety o dramor.

Sut rydych yn teithio i'r llys	Bydd y llys yn ad-dalu
Trafnidiaeth gyhoeddus	Cost y tocyn (tocyn dwy ffordd safonol)
Beic	9.6c y filltir
Beic modur	31.4c y filltir
Car	31.4c y filltir - gwiriwch a fydd y llys yn talu am gostau parcio
Car – gydag un rheithiwr arall fel teithiwr	35.6c y filltir
Car– ar gyfer pob rheithiwr ychwanegol fel teithiwr	3.2c y filltir
Tacsi	Y pris – dim ond mewn amgylchiadau eithriadol. Os oes gennych anabledd sy'n golygu na allwch deithio i'r llys mewn ffordd arall, dylech gael caniatâd ymlaen llaw gan y llys yn gyntaf.

Rhaid ichi wirio gyda rheolwr y rheithgor yn y llys eich bod yn cael hawlio arian yn ôl am docyn parcio cyn ichi dalu amdano.

Costau bwyd a diod

Gallwch hawlio'r symiau hyn hyd yn oed os ydych yn dod â bwyd a diod eich hun.

Nifer yr oriau yn y llys bob dydd	Beth allwch ei hawlio fesul diwrnod
Hyd at ac yn cynnwys 10 awr	£5.71
Dros 10 awr	£12.17

Enillion a gollwyd

Gallwch hawlio am enillion a gollwyd os ydych un ai:

- yn gyflogedig ac ni fydd eich cyflogwr yn eich talu yn ystod eich gwasanaeth rheithgor
- yn hunangyflogedig neu'n gyfarwyddwr cwmni ar gyflog.

Mae'r cyfraddau uchaf y gallwch eu hawlio wedi'u nodi dros y dudalen. Ni allwch hawlio mwy os yw eich cyflog llawn yn uwch na'r cyfraddau hyn.

Os ydych yn gweithio ar sail rhan amser

Gallwch ond hawlio am y dyddiau y byddwch yn gweithio fel arfer, hyd yn oed os byddwch yn treulio wythnos lawn yn y llys.

Er enghraifft, os ydych yn gweithio 3 diwrnod yr wythnos fel arfer, gallwch ond hawlio enillion a gollwyd ar gyfer 3 diwrnod, oherwydd nid ydych wedi colli enillion ar y 2 ddiwrnod arall.

Costau gofal plant neu gostau gofal

Ni allwch hawlio am gostau gofal sydd gennych fel arfer, er enghraifft, fel rhan o'ch wythnos waith arferol. Ond os bydd gennych gostau gofal ychwanegol sydd wedi codi oherwydd eich bod yn gwasanaethu ar reithgor, gallwch hawlio rhywfaint o arian yn ôl am y rhain

Rhaid ichi fod o fewn y cyfanswm lwfans cyfun dyddiol ar gyfer enillion a gollwyd a chostau gofal. Er enghraifft, os ydych yn hawlio £64.95 ar gyfer costau gofal ychwanegol, byddwch wedi defnyddio'r lwfans yma i gyd ac ni allwch hawlio mwy ar ben hynny ar gyfer enillion a gollwyd.

Os ydych chi'n hawlio budd-daliadau

Ni fydd eich budd-daliadau yn cael eu heffeithio am o leiaf 8 wythnos, cyn belled eich bod yn

dweud wrth eich swyddog budd-daliadau neu'ch hyfforddwr gwaith am eich gwasanaeth rheithgor. Os gofynnir ichi wasanaethu mewn treial hirach, pan fyddwch yn cyrraedd yn y llys, bydd arnoch angen siarad gyda rheolwr y llys rheithgor i holi am sut fydd hyn yn effeithio ar eich budd-daliadau.

Tocynnau teithio

Prynwch docynnau dyddiol yn unig oni bai bod y llys yn dweud fel arall pan fyddwch yn dechrau eich gwasanaeth rheithgor. Cadwch gopïau o'ch tocynnau neu dderbynebaw, i'w hanfon gyda'ch hawliad. Os na fyddwch yn cadw'r rhain, efallai ni fyddwn yn gallu eich ad-dalu.

Pryd i hawlio

Cyflwynwch eich hawliad ar ddiwedd eich gwasanaeth rheithgor. Fel arfer, byddwch yn cael eich talu rhwng 7 a 10 diwrnod gwaith ar ôl cyflwyno eich ffurflen hawlio. Efallai bydd y llys yn gallu talu eich treuliau yn ystod y treial os yw'n debygol o bara am gyfnod hir neu os ydych yn wynebu caledi ariannol. Gwiriwch gyda rheolwr y rheithgor yn eich llys pan fyddwch yn cychwyn.

Os oes gennych gwestiynau

Hyd at wythnos cyn i'r gwasanaeth rheithgor gychwyn

Cysylltwch â'r Swyddfa Ganolog Gwysio Rheithgor
Ffôn: 0300 456 1024 neu
e-bost jurysummoning@justice.gov.uk

Oriau: Dydd Llun i ddydd Gwener 9am - 5pm,
Dyddiau Gwener 9am - 3pm.

Yn ystod yr wythnos cyn y gwasanaeth rheithgor ac unrhyw adeg ar ôl hynny

Cysylltwch â'r llys lle byddwch yn gwasanaethu ar reithgor. Byddwch yn cael manylion cyswllt yn nes at yr amser.